



著老書堂集卷之八

丁巳卯秋至
亥春

浪淘沙三首

臨潼

張世進

軼



沙浪相和日向東
人間萬事轉頭空
欲求無浪無沙處
只有銀河路不通

盡道淘沙可見金
幾經磨洗出波心
世人也識黃金貴
誰向沙中子細尋

南岸沙崩北岸寬
南人懊惱北人歡
請君細看淘沙浪
南岸生洲也不難

不信

不信吾真老童心
未覺刪鏡中俄白
髮夢裏尚朱顏更

得幾年健空成終日閒窮通何足論所恨負青山

揚州樂

人言揚州樂樂者惟富人試以十戶較中有六七貧吳
綾與蜀錦不上寒士身山珍復海錯不沾餓夫脣但聞
東家笑未見西家嘖群然稱樂土耳其食未為真我嘗覘
四方恒產多不均詎若此間甚判如越與秦天地無私
育堯舜無私仁安得揚州郭中無不樂民

書香山集後

少陵推詩聖變化無端倪篇中具微旨隱躍使人思我
讀香山集爽若哀家梨所惜意太盡不使少留遺觀其
與老元曾序和答詩辭繁而言激公非不自知要論品

與學唐代如公稀高尚陶彭澤冲和韋左司熟精内外
典善為苦樂詞談理必晰奧言情每入微豈惟細碎作
妙處堪解頤後生作淺語云以公為師腹笥寡書帙懷
抱無襟期匹如東家嫫強效西家施根柢失所據弁鄙
徒貽譏寄語學白者善學乃無疵廣大教化主吾聞諸
張為

湖墅種菜歌

常延齡字喬若明開平王十二世孫既錫侯封遇事
敢言前後條陳利弊疏凡十二上上深眷之禮科姜

採行人熊應霖以劾首輔下獄延齡請釋二臣而以文彥博救唐介為輔
臣勸朝論躓之阮馬專政延齡復露章糾劾忤權臣意即挂冠居村巷中
灌園自給時或不免飢寒處之晏如死無以為殮友人白大生胡星卿等
醵金襄事乃克葬夫人徐氏魏國愛女也躬操井臼荆布不完無怨尤意
人以為難能湖墅其隱
地也事見上元縣志

鍾山王氣盡宮闕生蒿蓬天命有時改不改孤臣忠孤

老老書堂集 卷八
臣昔拜爵謬羞取容屢陳補救策莫挽祚窮朝為
執圭客暮作灌園翁偕隱得賢婦荷鍤能相從既感故
君恩復念遠祖功肯使十世後玷此五等封嚮時同朝
友罕繼高蹈蹤菜根咬不得臣節何由終

冬日坐淨暉亭

孤亭重徙倚風物與秋殊木落遙村出田閒夕照鋪吟
詩賡梵唄煖酒借僧廚為問初歸客何如在道途

時秋
涇歸
自秦
中

儀徵蕭秀才鄧林以詩索拙集次韻卻寄

嬾將塗抹逐時賢老去無聊守硯田身世已甘樗櫟棄
聲名敢藉棗梨傳吟癡似我慚多事藏拙煩君閱此編

欲和陽春酬厚意應輸拈筆思如泉

首春寄梅泚秋涇

故人先後衝寒去倚樓空望江南樹春風已來客未來
相思忽見窗前梅梅花近被春風吹欲開未開紅滿枝
期君同喚西津渡莫到香殘月缺時

哭陳竹町四首

與君同嘆交遊盡今又先吾返夜臺死後有誰重話舊
老來無伴獨銜哀心憐夏屋纔移住手種寒梅不見開
空向靈筵薦清醪可能滿引故人杯

萬卷縱橫列古今閒窗無日不披尋早年書效元和腳
晚歲詩追正始音遺跡尚看龍虎躍長編已付棗梨鉞

也知身後名何用少慰平生一片心

世風安得再還醇眼底惟君似古人活計平生資翰墨

窮交垂死締婚姻樓于湘臨終以三歲之女為念竹町曰與我作兒婦君可無慮也立呼其幼子至拜於床下于湘曰吾死瞑目

矣思鄉頻作西湖夢憶弟常馳北望神令弟江臯客津門二最久近復遊襄國

十年來心折處襟懷磊落語言真

翡翠鯨魚格屢遷苦心風雅幾經年每逢後輩時時說

須學前賢字字堅入社不曾勞客待成詩長是在人先

白頭惆悵知音絕筆硯從今欲棄捐

靜公院食黃精

開士不出戶時容叩禪關何以療客飢黃精滿堆盤念
此澹泊味產自烟霞間服之輕骨節久乃生羽翰暫得

果枵腹焉能駐朱顏仙經載靈藥名品非一端五粒松

堪茹九節蒲可餐浮生欲久視胡不歸青山

春夜集著老書堂梅花下聯句以下庚辰

小院梅花下吳廷采清宵復此同余夢易香邊風過酒

張四科燈外雪浮空張世進幾度憐春色廷采相看成

老翁夢易重吟兼細把四科珍重意無窮世進

晦日集榮木軒聯句

一月春將盡閔華閑庭客始來張世進可能辭濁酒張

四科况復對殘梅華吾道琴尊在世進浮生草木催四

科詎知良宴會華傷逝有餘哀世進○時竹町破已一月

菜花聯句

雨餘畦菜乍抽芳張世進村後村前一片黃吳廷采已

兆窮簷無饑色張四科也教老圃識春光世進平連麥

隴疎疎入廷采低襯桃蹊漠漠香四科寂寞自開還自

落世進西園車馬正如狂廷采

舊遊

城陰有閑園舊是觴詠地五載復經過入門發深喟虛
廊網蠨蛸壞壁懸薜荔徘徊綠窗下筆研曾安置自我
別此間懷戀思重至重至竟何為但引衰年淚樂境不
可常浮生亦如寄屈指同遊人十僅存三四

對幼女孫作二首

人生蹙額與伸眉大抵情隨外物移哀樂似渠真中節

飢時啼哭飽時嬉

陳編日日教孫雛猶恐荒唐似老夫况汝生來為女子

懷中不望識之無

殘春獨酌

郊園紅紫想無多盡日閒門掩薜蘿甚欲詣人誰健在
粗知守分奈貧何年華七十平頭近春色三分瞥眼過
幸有隣家容貰酒不教老子廢狂歌

三月二十一日雨雹

飛雹縱橫勢莫禁陽和忽變氣蕭森疎疑玉子敲枰響
密似銅丸擿鼓音何事蛟龍行硬雨盡驅鳥獸入深林
雖然未至成災沴白髮迂儒有戒心

玉鉤斜

予舊有此題詩友人索更作

隋家埋艷此郊垆詞客經過轍每停三月烟花隨帝子
五更風雨葬娉婷春魂未必能為燕唐雍裕之宮人斜詩應有春魂化為燕墓
草還應解化螢知近吳公臺下路遺蹤空見麥青青

枕上

無意華胥去閒眠亦偶然棋收人靜院花落晝長天
轉身初穩普騰夢未圓此時高枕上何異小遊仙

古鏡詞

團團粧鏡漢宮物小篆書銘字蟠屈銅龍漏盡象奩開
想見容輝同似月不知何代委埃塵出世流傳復幾春
全無舊日晶瑩色何況當時拂拭人憑誰磨瑩如新鍊

還與紅閨照嬌面對此休矜粉黛姿傾城傾國渠曾見

檢竹町遺集

開卷分明見老陳一編未了淚霑巾耽吟到死無他事
真賞平生有幾人垂世欲如金石壽傳家難濟子孫貧
憐予也被雕蟲悞猶撚霜髭日苦辛

以香山六十八衰翁為起句

六十八衰翁頭童耳漸聾得年非不幸於世竟何功百
事時人後一生春夢中寓形天地內真是可憐蟲

酬玉井見過并示見懷之作

炎威秋轉厲有客過茅茨自分為人棄非君誰我思解
衣詢近狀索硯寫新詩始信文章友交情老不衰

秋齋一首東秋涇

秋齋何有有竹數竿有叟皤然婆娑其間繞座風清盈
塔月白造物於吾惟此不惜雖樂幽獨豈忘友朋疑義
思析新詩待賡合以文章官厭衰老藜杖能來荆扉願
掃

送燕

借汝茅堂住穿簾任頡頏無端易離別不免近炎涼曉
日扃窗戶秋風冷屋梁舊巢吾爲護春至莫相忘

憶昔

每曳筇枝上小舟素心三五共尋幽青蘆洲畔聽沙鳥
黃葉林中倚寺樓天有涼風方卻暑人無清氣不悲秋

於今卧病空堂裏猶賸閑情憶舊遊

西疇索題令兄環山所畫冷泉亭圖三首

遊蹤曾向此中停滿耳潺湲滿眼青塵思近來無處滌
十年不上冷泉亭

雲生棟裏水平塔狀出斯亭景最佳解與香山傳俊句
畫師誰有此襟懷

髯翁仙去已多年一幅雲嵐墨尚鮮同氣同心俱白髮
那能讀書不潸然

聞南圻病因寄

年華六十翁鄉國三千里知爾繫長安宦情淡如水比
聞身疾病應坐事叢委折肱乏醫師安心勝藥餌男兒

抱經濟寧肯牖下死所貴及壯行詎宜當暮齒渤海高
達夫會稽朱翁子計其遭遇時君年已過矣賢勞或驟
遷精力難長恃至哉老氏言知足與知止故園能早歸
舊業尚可理何必曉鐘鳴夜行然後已

對殘燈二首

蘭膏猶未盡短焰忽迷離為惜釭花在將眠不忍吹
丁丁瓊漏沉曖曖玉蟲冷一穗尚微明滿窗寒月影

和韻答南圻

握手如昨日三年瞥眼過鄉關一為別故舊已無多聞
欲拋黃綬相期卷白波尊前飛動意及我未消磨

晚泊新豐

錄己巳秋作

小市無三里人家面漕河風燈村店酒水調客船歌已
去西津遠漸聞吳語多十年塵土夢今夜宿烟波

十二月九日玩月

梅花猶未破春妍雲際清光又上弦莫惜恐寒連夜看
今年祇欠一回圓

元夜集榮木軒仿山館故事聯句

文醺多年罷上元張世進幾人白髮聚黃昏張四科明

燈巷陌春如舊陳臯華屋山邛事忍論王藻入手杯頻

深不厭余夢易當花月滿淡無痕張震歡場向後知多

少四科豪氣相看喜尚存世進

晦日招力畚梅泚玉井江臯藏山暨五姪飲梅

花下三首

東風夜送雨霏微曉看韶光入竹扉一月不曾招酒伴
梅花催我典春衣

聞說看花客早來幸無風辦點蒼苔十年儲得孟城酒
先與寒香酌一杯

纔得花間一醉成匆匆時序過元正黃昏莫恨無踪影
重藝春燈替月明

清明日盧雅雨觀察招同泛舟紅橋

橋外新渠近鑿成使君招客泛清明水穿柳陌桃蹊過
舟繞風亭月榭行令節最宜文字飲閒情不廢管絃聲
冶春故事年年續未許瑯琊獨擅名

題揭鉢圖

羯肌王女戒不持罰作鬼女為鬼妻生兒盈萬總憐惜
日噉人子充調飢化人欲救諸苦難知非口舌能轉移
取其弱息覆以鉢琉璃洞徹外可窺阿母見之赫然怒
役使魍魎驅虎貌各騁魔力思劫奪鉢小重若移須彌
青蓮臺上弗聞見結跏端坐低雙眉須臾山鬼伎倆盡
跽向調御求皈依佛言汝以宿業故墮落鬼道醜類滋
衆生有子誰不愛於人何忍已則慈自今伊始能不殺
當還汝子不汝欺兇愚五戒甫諦受寧馨三尺仍携歸
我觀此圖有微意欲令狠惡生慈悲女流自昔多慘毒
方以蛇虺猶過之君不見呂雉屢殪劉氏子武嬰幾絕

唐宗支惠帝中宗已所育未聞一例加誅夷可知世間無限鬼子母安得盡遇人天師嗚呼安得盡遇人天師

中秋前一日集榮木軒時沙君斗初自蘇州至

予適有漢陽之行

開館作文讌幾經春復秋欣茲次寥天重聚風雅儔座中有新知來自古長洲交契無遠近聲氣相應求諸君騁高論獨我抱離憂盡此一尊酒將為千里遊良會殊草草前期正悠悠來宵明月下應亦憶孤舟

留別五姪

一門群從內臭味獨相於白首吾行役清秋爾索居辭家同社燕失侶類鰥魚姪新喪偶別後各珍重莫教音問疎

守風沙漠洲

在家戀故土出門思長征如何石尤風阻我三日行回看鄉樹失前望烟波橫扁舟泊荒渚頻見清潮生遠岫呈黛色青蘆報秋聲小住亦復佳奈此千里程進退兩不得客心如懸旌何時旗脚轉飛渡石頭城

泊金陵夢歸著老書堂覺後成一絕句

蘿薜閒房重到來一聲雞唱石城隈從今鄉夢知多少此是離家第一回

過燕子磯二首

燕子磯邊落日斜坐看帆影掠蘆花巖根石穴無人到留與漁翁作釣家

孤亭縹緲俯江流風便無因到上頭知是孟婆憐客意
不教遠望起鄉愁

次韻和余硯南雨中晚泊

江渚維舟落照昏數家烟火自成邨靜聞蘆荻兼聞雨
轉覺淒涼不覺喧拈筆暗傷思力減問年羞說老夫尊
夜窗他日吟君句猶有秋聲攪夢魂

原作

余夢易

正數郵籤雨氣昏蕭然相對泊江村沈沈極浦嵐光
斂瑟瑟空灘葦葉喧白髮豈知仍遠客清宵且勸盡
芳樽尋常共翦西窗燭不似孤篷易斷魂

過池州望九華山不見

我行過池陽曖曖日將暮九朶青芙蓉氛氲白雲護眺
望亦無緣躋攀空有路人自不居山山不驅人去堪嗟
市朝客亦羨林泉趣只有費冠卿終身雲裏住

過小孤山

欲上山頭覓舊題風帆未許更扶藜一拳怪石看來小
百尺危檣到此低水激四時常有浪岬懸三面迥無梯
今宵不宿江南岸潮信東還客路西

相傳潮不
過小孤

九日坐烟水亭

匡廬山北九江南四面垂楊一鏡函魚不驚跳風不起
坐看晴綠浸烟嵐

江行不見菊花黃漫上空亭舉一觴他日還家誇韻事

柴桑里畔作重陽

晚過漢陽蓮池

閏五月二十二日
以下癸未

遠遍迴塘露未稀
白荷花裏水風微
不因溪叟鄉音別
錯認江南舊釣磯

歸自漢口泊青山作

以下甲申

昔來秋已半歸及早春
天此地無塵事今宵得穩眠
江村人閉戶野戍角近船
携得芳樽在銜杯意泰然

泊舟黃連港

洲在水

三年顰笑與心違
終日思歸未得歸
故里已知今日近
遠遊終覺老人非
月明京口潮初上
草長江南蝶始飛
正是烟花好時節
此生誓守釣魚磯

東雅雨先生

塵勞息後返田廬
已值先生賦遂初
高致從來厭軒冕
微生只合老樵漁
追隨杖履情猶昨
管領風騷事久虛
為報習池遊賞處
翻階紅藥已全舒

初夏重集山館

往歲作文讌多於山館
中我歸千里外復此一尊同
林筍抽新綠欄花發舊紅
君看坐間客強半白頭翁

南村落成

江村卜居好此願始麤酬
幸不成虛語其如己白頭
田隅安水竇屋角進漁舟
從此江湖興收身罷遠遊

和作

閱華玉井

已遂幽棲願歸耕二頃田江聲高枕外山色小樓前
作計寧嫌晚能閒信有緣是鄉魚稻富儘可樂餘年

陳臯對鷗

夙志慕人外江郊今卜居地閒繞水竹客到半樵漁
無事且飲酒有時還著書輸租入城市爲我在柴車

易諧松滋

書堂著老身買宅又江濱已是投閒客還爲避世人
桑麻成晚計鷗鷺作比隣烟水常相對真能洗俗塵

秋林

以下
乙酉

偶到疎林下始知秋意深非關盡搖落已覺失陰森漸
近苦寒月彌傷老大心支筇耽暮景且復待歸禽

冬齋即事

今歲竒寒不可言經旬足跡懶窺園負暄新闢南榮地
應署佳名白醉軒

數幹修篁近種成也宜烟月也宜晴朝來微雪穿林過
忽作叢鈴碎佩聲

淺斟低唱度寒宵學士輕將煮雪驕惟有閒人擁鑪坐
豆蕪灰裏芋魁燒

空堂寂歷已初更往日攤書對短檠老去不能深夜坐
卧看寒月隔窗明

丙戌三月至南村四首

以下丙戌

卜築江干地最幽漕河南去過瓜洲家家樹影藏茅屋

處處桃花引客舟未到疎籬迷野色斜穿修竹認高樓
水苗三頃當門綠生計而今免外求

纜上岑樓百慮刪摩挲老眼對江山一條烟浪闌干外
兩點金焦几案間俯視燕衝朝雨去平看鴉帶夕陽還
晚來幽寂誰相對喜見窗前月半彎

才轉柴扉即水濱朝潮夕汐往來頻恥爲朝市釣名客
甘作江湖結網人未到秋風收紫蟹正思小飲得銀鱗
吾家舊有元真子笑問誰堪繼後塵

生平最厭城中住自到江鄉禮法無野外衣冠從不整
田家爾汝任相呼招提花好敲門看畧約橋歌拄杖扶
自此閒身何所似巨魚縱壑鳥辭筴

金山

人間元自有蓬瀛白浪堆中一柱擎舟楫恐爲風引去
樓臺疑是氣噓成石欄轉處濤聲壯水霧銷時塔影明
欲就僧窗看落日留連不覺晚潮平

題野寺尋碑圖爲杜太守補堂作

明衰群盜熾鎮將守巖疆四境環蛇豕孤城扞虎狼空
思決河水誰肯救睢陽無計全宗社甘心赴戰場時危
周處死力竭杲卿亡草草黃腸殮匆匆碧血藏史臣遺
姓字窳窳付蒼茫有客來中土駟車首北却斷碑原草
合遺塚野僧詳片石僵仍立荒墳久益彰非惟寄憑弔
意在植綱常從此忠貞節彌昭日月光

明衛輝總鎮卜公從善
死闖賊之亂詳汲縣志

木筆

三冬辛苦守毛錐
纔轉東風穎脫時
應是春愁言不盡
書空訴與碧翁知

三月望後二日與玉井同之南村雜詩六首

丁亥

路轉瓜洲郭延緣
出水門桃花遠
迎客潮汎曲通村
岸仄依籬角舟停
繫樹根莊僮久相
迓云已掃前軒

結屋清江曲虛堂
寂不譁但多書卷
外只似野人家風
便聞漁唱潮迴閣
釣槎中冷夜來汲
試煮雨前茶

吾友七旬老清詩
百鍊功意新求雅
健句好避雷同起

早窗櫺白吟深蠟
炬紅粗償魚筍約
供給愧難豐

玉井前有魚筍

正豐時作羹其餉我之旬

尚有耽吟客期之
竟不來塵勞知未
釋春色苦相催擾

擾憐人事時時望
水隈沽來京口酒
誰與倒深杯

弄以少不飲

金焦長在眼挂席
一閑行波浪經時
大樓窗望處平到
山僧院熟借榻午
眠清莫便匆匆去
回船月正明

風順指揚子歸途
趁曉旋飛花能送
客語燕解迎船塵
俗幸無累登臨信
有緣往還惟二老
遊興似當年

五姪屬題讓圃圖

銀漢紅墻路渺漫
迷離樹色許遙看
憶逢暇日賓朋集
先向明窗筆硯安
往事盡隨流水去
此時宜作達人觀
畫圖亦是無聊計
猶屬題詩說到難

詩本性情而哀樂繫焉非繁辭縟句媿白儷青之倫所能繫乎哀樂也張君嘯齋之詩殆得其性情之正者嘯齋家本秦川僑居邗水秉鐸於潁州者五年歸田後與古爲徒惟詩是務已嘗刊詩集七卷行世近復輯其後集古今體詩一卷屬予序言展誦之下嘆歲月之遷流慨友舊之零替僅有存者亦何幸耶回憶少托交於嘯齋時同游則魏君旭堂余君茁村唐君飯山諸老輩未幾或仕或隱星散四方及後程泚江馬嶰谷昆季諸君倡韓江詩會一時江浙名流聲應氣求來游來止予與嘯齋咸與焉當其令辰佳夕勝地名園吟席參差酒場稠疊時則操觚之士騁妍抽秘各效其能而嘯齋以沉

著清健之筆賦物抒情往往超出儕偶廿載以來人非
境換雲散風流矣今惟嘯齋半查漁川與予尚在予又
何敢序嘯齋之詩惟是曩日之能言者如甬上全謝山
歸安姚玉裁錢唐厲樊榭陳竹町諸君已後先凋謝只
今交之最久知之既深者莫如予爰弗獲辭第識其朋
交離合之大畧以塞其諾責至詩之清詞刻至雅言典
則世當有知言者予評不足重也嘯齋晚年再游漢上
一時倥偬酬應之作悉不入集故卷帙較少然繫乎哀
樂之感亦多矣乾隆丁亥夏五同學小弟閔華拜手序

嘯齋工於詩五十以外始學爲詞日取古人之作矻矻
窮年豪健如蘇辛沉著如周史靡麗如秦柳清深如姜
張無不覃思研究審音選字有作必工今年長夏編其
所著附詞一卷屬余數言弁首余豈知詞者哉然有感
夫人之才大不相逮者矣自韓江有詩社將二十年江
山風月草木蟲魚弔古登臨歡筵離席各競異爭竒題
無遺剝窮則思變倡爲長短句一月之間凡五六會余
無處不與嘯齋同硯席也學詞之年既相同用力之勤
亦相同而所成就乃絕不相同然後伏膺嘯齋之才殊
異乎人遠矣將與詩並傳無疑戊寅八月朔書于會經
堂錢唐同學弟陳章

著老書堂集

詞

驀山溪

題查梅壑斜陽喚渡圖

臨潼

張世進

軼青

剡藤半幅秋色清無滓
行客阻遙溪剛遇著扁舟閑艤
臨流楚躡人急蹇驢遲望對岸已斜陽前路還餘幾
須知畫手不是憑空擬身老道途間纔寫出游踪如此
晴窓靜展憶我少年時操短轡挂長帆往事今休矣

沁園春

聲

何處鶯喉多謝東風吹送隔牆聽鞦韆春賭競喧濃笑
琵琶夜撥自度新腔閑喚狸奴戲調鸚母圓似真珠脆
似簧朦朧甚定喁喁私語說向檀郎 遙聞已亂柔腸

沈嚳嚳嬌音近耳旁記去時珍重頻教將息人前羞澁
低道勝常花下微唸酒邊輕嗽蘭氣噓來細細香難消
受把卿卿呼慣翻問誰當

又影

非色非空誰與娉婷招來倩魂憶簾前開鏡先窺半面
橋心整髻倒印全身南陌春陽西廂夜月寫出輕盈態
不分無聊賴是寒宵向壁幽獨傷神尋常郵許相親
祇燈下婆婆欲近人看朦朧扇底微呈笑靨迷離頰上
難辨啼痕夢裏端詳圖中省識未似傳來阿堵真能留
駐待神方檢與莫化行雲

齊天樂

仲夏送樊
榭歸湖上

頻年作客蕪城路今番又成歸計舶趁風清麥黃水漲
一路綠陰陰地蓬窓倦倚早越岫招邀蜀岡迢遞小袖
雲藍峭帆遙見定心喜扁舟同載未幾記平湖如鏡
秋色無滓紅藕花深白蘋香遠此去輸君閑醉驪歌漫
起對清簟疎簾且拋離思半日論心勝於書數紙

長相思

用獨木
橋體

蛩星星雨星星記得紗窓語似星香消火一星指三
星誓雙星無故拋人作客星天涯鬢易星

天香

甜香

汁絞紅梨房收紫荔和成芳劑幽絕病酒情酸敲詩思
苦小炷試翻銀葉篆烟乍起早一室中邊皆徹南海休

誇木蜜中郎枉含雞舌 疑將百花釀割勝尋常桂辛
椒烈好把越蕘收貯莫教香洩看取殘灰色皎還彷彿
嵯山未消雪嵯山甜雪見拾遺記午夢回甘悠然味別

齊天樂蛙

荒塘昨夜添新雨波心活東游泳尾脫驚雷聲喧落日
得意黃昏人靜燈前細領怪一喙纔倡滿池齊應郵管
愁人爲伊通夕夢長醒 村翁何用鼓吹但行田寂寞
盈耳堪聽穴蚓高吟夜蟬低奏併作涼宵淒耿閑心暗
警憶閣閣聲中暮維孤艇此後公私不須重記省

揚州慢雨後登康山

路轉城隅山藏屋後霽來不厭登臨看江南列岫覺黛

色添深更堂下人家十萬簷垂殘滴簾捲輕陰漸斜陽
明處連蜷雌霓銷沉 武功人去似浮雲吹散難尋想
晚歲歌詞他鄉杯酒無限傷心可惜舊時絲竹空留得
雨過蟬吟歎風流歇絕年年荒磴苔侵

鵲橋仙七夕立秋

天孫靈馭葍收涼駕並發今宵雲際中庭瓜果正紛陳
乍一葉碧梧飄墜 銀河轉曙金風促漏此夜光陰彈
指悲秋心事別離情看天上人間又起

減蘭泛真州城河

橋門低窄打槳閑乘潮信入不似城中高柳修篁夾岸
濃 排簷水榭錦石秋花都入畫歌舫才來賺得紋窻

面面開

解佩令

秋日坐七峰草亭

竹陰籠霧竹聲敲雨是斜陽不曾來處黃菊芭籬遙對
著碧蘿窻戶悄無人數峰清苦 閑庭散步長廊覓句
問此是今年幾度茶熟香温又消受秋光如許興翛然
孰為賓主

唐多令

竹杖

瘦玉一枝寒苔紋似淚班仗扶持不放身閑幾度登山
臨水去吾與汝共平安 誰截碧琅玕剛齊筍籜冠自
相隨未踏塵寰除却撥雲搯雪外時借作釣魚竿

菩薩蠻

詠數得十二

玉樓天際參差起無人遍把闌干倚面面捲珠簾六銖
衣旋添 一年時序判花信吹初半盡展小屏風巫山
在畫中

南浦

送梅泚入都

容易盼君歸五秋風不共論心杯罈相見復相離長安
道依舊賴奴羸馬顛毛如此素衣頻被緇塵惹回首垂
虹橋下鷺輸與白頭閒暇 當時望補山龍甚年年鍼
線為人作嫁繡虎近雕蟲旗亭壁添得新詞塗寫
梅泚素不作詞
近始稍稍為之聲名藉甚未愁前路知音寡爭似綠蘋紅蓼岸烟
雨一竿同把

滿江紅

楊帝墓

數畝雷塘尚留得阿麼遺塚寒煙裏年年麥飯一盂誰
供無復新聲清夜奏空餘牧笛斜陽弄是誰家墳上紙
錢灰風吹送 亡秦轍甘隨踵平陳業忘珍重笑長眠
安穩不須來夢地下黃奴曾見否草根丹鳥今無用恨
當時不葬玉鈎斜芳魂共

慶清朝

歷日

南正遺規西洋巧算頒來不俟春回較量案頭殘本節
候都非誰道山中不用也從村市買將歸吾無忌問栽
花種竹何日相宜 天月德黃黑道是何人添注朱字
紛披纔向新正開卷彈指冬期試檢生初甲子紀年漸
向尾行移元宵後怕逢入學猶記兒時

沁園春

庚午
除夜

問夜何其玉漏聲沉春已暗回且從他歲序修蛇赴壑
及身強健浮蟻盈杯綠鬢兒孫華顛夫婦好向爐頭團
坐來還追憶憶當時老屋兄弟相偎 頻年此夕天涯
算修竹吾廬十載纔笑紛紛吉語人爭頌禱茫茫前路
天自安排細翦缸花重刪詩草較似常時多好懷朝暾
上喜南窓乍啟數點梅開

百字令

黃梅

南枝未坼早園林先占冰霜標格晴日茆簷閑曝背伴
我一庭寒客已露檀心猶含磬口恐漏春消息未甘題
品素兒姿貌相匹 常訝萬木僵時蜂衙未報誰釀梢

頭蜜可是含章嬌額上染就夕陽山色杏子輸妍鶯兒
比嫩宜插金釵側冷香不平謝隔年枝上留得

喝火令

重過方環山
天慵書屋

蘭菊羅含宅蓬蒿仲蔚居案頭收拾舊琴書剩有數篇
哀輓壁上字模糊 六六峰難去三三徑自鋤故人乘
暇到階除記得題詩記得寫新圖記得樗蒲一擲脫帽
遶牀呼

滿江紅

題桃花扇
傳奇後

扇上桃花費幾許含宮嚼徵重演出石城殘局板橋遺
事北里漫勞詞苑志西臺應續參軍記問當時朝士聽
歌來傷心未 衣帶水何堪恃袞冕服渾如戲尚艷搜

吳越黨分牛李江左夷吾人自比山中弘景蹤誰繼謂張

白雲也

笑侯生真似此收場佳公子

南鄉子

弦月

弓勢記牆西漸似初張未設時試向兩頭纖處看添肥
剛把冰輪界破齊 烏鵲莫驚飛不比人間有駭機認
作下旬殘月樣還非留得清光一半兒

又

分詠環溪山
莊得翠雨廊

望裏翠陰交覆盡長廊百步遙赤日行天都不到周遭
一片涼雲濕未消 清韻止還敲常向吟邊伴寂寥似
昔秋霖無處避蕭騷破傘遮頭過野橋

浪淘沙

六月十五夜大
月登露臺作

庭下見花陰臺上登臨圓冰一片近天心照得滿城涼
似水滌盡煩襟 華髮不勝簪對影高吟縱無客至且
孤斟如此清光如此酒月古人今

十六字令

聽纔是砧聲又柝聲西風攪一片不分明

徵招 豆棚

青青一架柴門外田家倍添幽趣小莢間疎花正傲垂
無數盤餐憑摘取更贏得夏來逃暑盼到成陰只消幾
陣夜深涼雨 村叟約比鄰長藤下科頭坐譚今古赤
日此中稀勸行人小住欵眠忘月午夢回後有風無露
是誰借絡緯爲家引秋宵愁緒

摸魚兒

秋光

問西風幾番磨瑩眼前蕭淡如此尋常一樣人間世頓
覺沒些塵滓天似洗映水態山容總帶清涼意炎氛漫
比便明艷春姿崢嶸寒色都讓此時際 澄鮮處最是
疎疎雨止微雲吹散還霽休言野次連空遠也入小庭
閑砌侵曉起看竹尾牽牛朶朶浮幽翠高樓暮倚對銀
漢欹斜冰輪端正身在玉壺裏

謁金門

題友人荷鋤圖

春雨細好趁春陰鉏地行到田隅煙水際樹根還小憩
拋却麝煤鼠尾閑把鶴頭鷓鴣老圃老農真得計人
生休識字

水龍吟

秋日集
環溪

小園半是煙波入門一片琉璃地殘春來後者番重到
夾衣初試風約輕萍魚吹細浪照人涼翠記赤闌橋外
藤花糝徑而今換雞冠紫何處濃薰飄至綻西風小
山叢桂佳時易過浮生難得身心無事負手尋詩搢頤
眺遠滿襟幽思問當年司馬何如此日作天隨子

酷相思

老去閑情慵作賦些个事縈愁緒記當日相依朝復暮
物在也人何處物換也人何處一水盈盈堪寄語奈
咫尺天涯路想世上佳期多間阻花放也風偏妬月滿
也雲偏妬

虞美人

晚清軒
瓜離

柔藤葉葉鋪涼翠葉底寒瓜縋常愁壓損小笆籬恰被
梧桐引上最高枝黃團粧點柴門趣畫出昌黎句旁
邊隙地喜寬平更擬明年添个豆花棚

酷相思

牽牛
花

缺月猶懸深樹裏早籬角舒涼盡問何物堪將顏色比
雨過也遙天翠雲過也遙山翠幾朵娟娟修竹尾正
曉夢留殘睡算爭得遲開還晚悴難見也幽人似易老
也佳人似

河傳

城南
秋泛

南浦容與坐低蓬紅板谿橋路通葦花白頭如老翁隨

風與船俱向東 寂寞城隅明晚照 閑客到游舫從來
少羨柴門臨水濱 有人釣魚秋樹根

踏莎行 金橘

穠綠才圓輕黃漸轉 誰分金彈從韓嫣 上有時並蒂綴
枝頭還如結个同功繭 鼻觀微參手香頻 撚生平曾
受溫成眷算來皮相得人憐 酸心一點難持獻

高陽臺

寒夜真州舟次
懷五姪途中

朔吹歌帆寒潮蕩月五更船到江村似我無眠長途更
有行人此時正屬雞聲管想征裘鋪遍霜痕盼迢迢萬
仞蓮峰四扇關門 常時竹屋青燈下共書親黃妳酒
泛紅鱗何事今年北轅南柁輕分也知遠近難相較奈

離家一樣銷魂待同歸已過殘冬猶及新春

滿江紅

題巫峽
秋濤圖

巫峽秋來問灩澦大纜如馬論此地驚濤怪石祇堪圖
畫亭午始看紅日過扁舟宛自青天下想朝辭白帝暮
江陵非虛話 仗篙檝帆齊卸聽鉦鼓聲頻打任長年
三老攤錢無暇世上利名雖可羨人生性命誰相假向
江南作 去聲个捕魚郎多瀟灑

行香子

真州客
舍對雪

客舍如冰客況如僧更漫空雪片飄零纔鋪屋瓦已積
階庭問甚時稀甚時止甚時晴 有句誰賡有夢難成
護寒風自掩窓櫺還家記取此際淒清對一編書一壺

酒一篝燈

惜分釵 春寒

燈宵過飛雲墮地爐猶戀溫磨火暮天低濕雲迷不敢
開簾祇要添衣淒淒 重茵坐重衾臥小庭愁殺梅花
朶泛清溪聽黃鸝試問今年定是何時遲遲

杏花天 歸鴈

東風纔轉翩然去幾曾被稻梁留住塞垣不帶清霜度
只帶杏花春雨 聲聲和秋江夜櫓程程盼隴雲關樹
知還祇恨無還處多少天涯倦羽

昭君怨 環溪梅影

無數玉妃斜倚印入碧琉璃底倚檻久低徊認雲來

水底有春漠漠不怕東風吹却嗅得冷香無問游魚

百字令 自述

評量身世算今生落拓非關天意崛強心情山野態豈
是青雲之器瑟鼓齊門璞逢鄭賈不遇其宜耳闌干首
宿到頭嘗得滋味 還記鞍馬秋風江湖夜雨踪跡萍
蓬似猶幸欲歸歸便得老去柴門無事半格詩成三升
酒盡一枕高春睡梅花開也莫云吾少知己

解佩令

送懈谷昆季暨竹町
玉井于湘之西湖

春濃似酒花繁如繡儻吳船招攜吟友水態山容身到
處肯教辜負一聲鶯一篇詩就 修眉雲岫細腰隄柳
是西施破瓜時候如此清游問百歲幾番消受盼君歸

願君休驟

買陂塘

城南尋置水齋地

愛城南美人橋畔煙波彌望無際三間水閣平生願惟
有此間堪置乘興至問野叟居傍可有寬閑地規模預
擬要窻裏罾魚階前放鴨門外白鷗戲 誅苑處除却
垂楊樹底何妨深入蘆葦佳名舊喜秋聲館我欲借題
齋字吾老矣算甚日纔能遂却濠梁意茲鄉信美倘煙
舍難求浮家亦好另作五湖計

蝶戀花

菜花

小白長紅難比賽接畛連畦一片黃雲蓋野老逢花都
不愛尋春但向柴門外 除却游蜂將蜜採寂寞田間

祇供村姬戴剩馥殘膏留得在可憐還欠青燈債

浪淘沙

贈歌者郭生

度曲晚春天一串珠圓相逢莫說已華顛隔著棗花簾
子聽還似當年 楚楚復娟娟記得筵前如今老去得
人憐回首少時歌舞地荒草啼鵑

百字令

自題詞集

閑情賦罷但拈毫厭說綺羅蕪澤賸欲橫空盤硬語又
失詞家本色對酒當歌逢場作戲卽有春風筆難醫是
俗寸心粗解持擇 常訝四百年來含商嚼徵茲事幾
衰熄曲界詩疆爭幾許分寸阿誰曾識鐵板銅琶曉風
殘月貴與題相匹興來琢字數聲聊和漁笛

桃源憶故人

四月一日過山
館懷懈谷昆季

綠陰圍就黃鸝界拄杖敲門無礙新竹粉梢初解已作
搖風態看山樓上憑欄待空見隔江青靄一點峭帆
何在山裏還山外

菩薩蠻

紅橋水
亭觀荷

孤亭隔水疑無路低橋宛轉斜通去四面藕花紅夕陽
疎雨中冷香留客坐畫舫匆匆過葉下紫鴛鴦與人
分晚涼

又

夏夜
納涼

素馨花放人新浴晚來怕就紗幪宿簷馬乍丁東一絲
亭角風竹聲留客坐螢火飛還墮纔欲近青奴滿牀

明月鋪

蘇幕遮

涼雲

暮青油遮白羽爭似無心一朵低空護可惜成陰能幾
許不帶輕雷祇帶星星雨碧梧庭修竹戶此際飛來
渾作尋常覩記得征途紅日午盼到當頭又被風吹去

生查子

立秋夜枕
上聞雨

老去愛高眠任滴空階雨今夜惹愁心爲有西風助
纔過片時秋已退三分暑一雨一番涼又向從頭數

木蘭花慢

秋鐘

甚西風送到想黃葉寺非遙較長樂晨驚景陽花隔別
是魂消頻敲將沉又起與晴空爽氣欲爭高不管梧桐

院宇有人聽罷無聊 蕭寥帶雨出林梢一杵滿城飄
慣借助清涼消除熱惱蕩滌煩囂長宵而今夢穩縱聞
聲不理舊霜袍猶記烏啼月落扁舟曾泊楓橋

又 秋燈

麗譙初漏永搖竹屋一星紅映白月窓櫺清霜庭院涼
雨簾櫳飛蟲幾回戲翹惜釭花聊用碧紗籠好是一瓶
瘦菊晚來移上屏風 書叢照眼惜朦朧展卷又還慵
為授衣期近老妻對影深夜裁縫前蹤槐花綻了記三
條見跋鎖闌中此際閑挑短焰坐看露下芙蓉

又 秋帆

拽霜蒲十尺憑翦取碧瀾澄慣低覆蘋洲斜縈蓼岸橫
掠蘆汀江程漸看漸遠共長天去鴈不分明任載清愁
萬斛西風吹得能輕 平生巨浪屢曾經惟愛越中行
向稻蟹村邊尊鱸鄉畔時挂時停無驚柁樓倦倚見涼
雲搖曳與檣平更擬蘆葦片幅荻苗水裏牽罾

又 秋衾

記琉璃簟滑才幾日覆吳綿正玉漏迢迢青奴去後湯
媪來前輕便乍遮半體到宵分漸引近吟肩何似蘆花
被煖漁翁睡足江邊 蕭然與爾作周旋惟有一青氈
想古驛霜侵長門月照有夢難圓幽歡已涼未冷定裁
成雲板護雙鴛老我無聊夜擁祇容聽雨高眠

摸魚兒

秋日集
東園

近中秋快晴天氣舊游重續須早嚴城回首無多路頓
覺水天空杳舒遠眺喜四壁全疎半是涼波繞木犀謝
了但衰柳陰中殘荷葉外幾穗綴紅蓼陪清坐惟有
近人沙鳥蕭晨誰解幽討雲窻霧閣都閑却輸與暗潮
頻到今合抱記昔日松羔帶土移來小童子時來游適見種
堂下松今五十一年矣
浮生易老羨屋角青青夕陽山色一看一回好

百字令

送竹町營
葬歸杭州

地爐紅處正消寒九九共修吟事聞說吳船租已就明
日一帆天際不爲呼猿非關問鶴祇盼牛眠地十年心
力此行猶恨遲矣遙想凍雪封林寒雲擁岫一路縈
愁思賴有霜空南去鴈相送華顛兄弟桑梓情牽松楸

手植定作淹留計殘冬瞥眼見君應是來歲

又酒船

深杯可愛肖錢唐藥玉剗來新樣徑入無何鄉裏去不
用小舟蕩槳乘馬知章騎驢太白頓起江湖想狂來恨
少兩頭甘脆安放長記月地花天百分空處任笑鯨
吞狀破浪而今無壯志一棹葡萄春漲夜半堪藏行間
可畫說甚稽山舫風波人世拍浮差喜無恙

又酒樓

青旗搖颺愛雕楹畫檻下臨官道勝地引來人自遠何
況置身雲表一斗十千五城十二總是神仙好醉鄉無
際望中翻覺天小曾記袖裏青蛇壁間黃鶴遺蹟吾

曾到詠入新詩能有幾隨意尊前舒眺明月邀殘危梯
扶下燈火高頭少來朝占取近闌干處須早

又 六十述懷
答諸同學

不材如我論碧翁相待難言薄劣生作男兒身七尺遭
遇太平時節裋褐裁衣香茆結屋果腹餘粗糲敢云識
字父書猶解繙閱 常恨寸草心長白華日短子職平
生闕此際兒孫春酒勸翻令老人淒絕雨雪殘年泥塗
深巷長者勞車轍自今伊始更同多少風月

附贈詞

馬曰璐 半查

翠壺春聚正三花兩蕊梅橫苔徑有鶴南飛雲外舞

天上張星輝映玉女頭盆仙筇九節拄到蓮峰頂今
日何日歲華行轉青令 試看樂事天倫一經教子
遶膝蘭蓀並盤馬徵歌豪舉在未減少年心性蠟紙
籠燈青氈坐客餘韻傳清穎重書甲子草堂詩思千
頃

閔 華 玉井

渥丹顏色算伊人難老雄才英氣文字每將天秘洩
謫却侍香仙吏一席氈寒三年官冷拂袖歸來矣月
明清穎那時曾照閑醉 遙想老子南樓詩人北郭
總是嬉遊地嘯詠煙霞隨處好贏得千篇盈筍更喜
而今鹿車偕隱綵戲傳經子滿觴春酒小庭初拆梅

葢

吳廷采 葑田

頭顱都老算與君較小十五年紀官冷例須衰白授
好是鬢華歸矣薄有田廬贖無婚嫁不管人閒事梅
花初吐杖藜應遍江涘 常憶此日開尊當年借榻
幾度同吟醉千首詩名元不負三影無非餘技烏帽
分甘白頭偕隱暮景堪圖記隔林添寫一雙鶴與童
子

余夢易 研南

白頭高士算青山有雪最諳松性不為盤餐嫌首宿
未老宦情先冷婪尾年光平頭甲子又轉春風鬢修

名為壽文章早著清穎 爭羨兒子歌詩門生致酒
堂上添佳興豈少清商分兩部恐亂梅花行逕舊鑿
銀觥 先生曾製清俸杯 新裁藤杖醉後扶來穩鄉心應動採芝
人待商嶺

樓 錡 于湘

此翁雖老有英姿奇氣可稱健者白髮狂歌詩酒地
時復彎弓盤馬淮左明經汝陰教士早擅文章價鄭
虔官冷故園一笑歸也 剛喜六十平頭抱孫課子
偃仰茆檐下乘興好尋山水窟已了尚平婚嫁童子
將車門生扶杖覓個雞豚社舉杯獻壽歲除恰似春
夜

張四科 漁川

竹裏騰觚羨阮公狂態依然奇絕六十平頭看已是
 歷了幾番冰雪種就梅花刪成詩草老境堪怡悅投
 閑十載挈雲心事消歇 祇賸鐵板銅琶尊前記曲
 豪氣猶飈發何處舊遊宜入夢兩點西湖明月社近
 東林家同南巷我亦蕭蕭髮陶然共醉春風吹散眉
 纈

八聲甘州 正月四日對雪
懷陳竹町昆季

用幾番瑞雪兆豐年飄到早春天坐符簷窻裏瓶笙聲
 畔榾柮爐前此際梅花情味與我共蕭然更有蕭然者
 吟客湖邊 未是斷橋殘後正千林雲沍十里冰堅聽

江南候鴈北鄉已聯翩算新來山陰興盡定相攜同上
 渡江船時晴後看揚州月第一回圓

唐多令 春盛。唐盧延讓詩誰家
絡絡游春盛盛作去聲

小鬲簇來齊般般下酒宜鎮相隨柳陌桃蹊手挈不如
 肩荷去添一个古偏提 藉著草萋萋何妨列坐低伴
 歸途常是空攜沾得落花紅幾點應勝似委春泥

謁金門 題晚樹
歸鴉圖

林陰閣鴉背夕陽紅淡都揀寒梢高處占後來還幾點
 向晚風枝搖颭倦羽欲飛還斂看到樹頭如墨染山
 家門未掩

柳梢青 寒雨

寒雨連朝數聲清響何處蕭騷瘦竹枝頭小梅花上只
少芭蕉 無人共酌芳醪獨坐久紅爐焰消曳翅征鴻
投簷凍雀同是無聊

卜算子

題殘
歷

挂壁不多時色共桃符故饒是今年有閨餘葉葉都過
去 漸向末行看已往誰迴顧幾許歡娛幾許愁紙上
無尋處

燕山亭

晚清軒
初夏

池館蕭疎幾日未來一院濃陰如許新竹放梢老柳垂
絲掩映紫藤千縷牽惹閑愁是輕薄滿庭飛絮春去算
九十韶光五分風雨 差喜天氣清和坐瀟灑軒窓相

忘賓主營巢語燕漾子游魚多情把人留住屈曲迴廊
猶記得尋詩前度幽處還共約水邊逃暑

梅子黃時雨

煙水江南到梅子熟時長是陰雨甚竟日冥濛滿空如
霧寇準詩梅子
黃時雨如霧催得枝頭甘意轉釀成節序偏酸楚凝眸
處一抹夕陽還被雲妒 收取蕊罌深貯向風爐石鼎
新茗開煮愛潤逼衣篝濃香如故多少高荷扶不起野
塘誰把鴛鴦護方回句斷腸唱來真苦

風入松

題吳妓張憶
娘簪花圖

青絲曉綰綠窓前懶插釵鈿嬌紅一朵臨風笑怕飄零
簪向鬟邊自是人令花好非關花助人妍 章臺柳色

冷秋煙小像空傳粧成想見焚香坐學衛娘書格題箋
雨散雲飛何處斷腸春色年年

減蘭

賀沈學子納
姬姬字香嬰

含胎豈寇比似休文腰更瘦雙槩來時多少黃蜂紫蝶
隨羅襦襟解消得檀郎珠百琲養个寧馨定有芳蘭
竟體生

轉應曲

春月春月光景令人歡悅捲簾吹殺明燈獨向闌干久
憑憑久憑久挂在淡黃楊柳

又

春雪春雪錯認梅邊香屑東風纔入庭除回首花梢跡

無無跡無跡化作一池新碧

摸魚兒

秋荷

記南薰乍來溪上綠錢疎點時候人間只有煙波好何
事水妃歸驟紅影瘦漸翠蓋無多放出鞦韆紋皺西風渡
口但雨撒圓珠露凝清汞誰飲碧筒酒淒涼伴幾樹
蕭蕭病柳江花江草非舊鴛鴦往日爲家處付與白鷗
閑守端午後見越女搴香玉腕揜羅袖蘭舟去久縱留
得青房新霜催老難把苦心剖

步蟾宮

贈歌童
阿錢

輕如榆筴臨風舞向若个藕心微吐問年未必盡稱兄
況嬌靨不分男女梁有男
錢女錢歌喉一串難穿取算那得銅

山乞汝王郎也喜置牀前又爭怪河間愛數

臺城路

雪徑

玉塵飛灑郊原遍衝寒擬探梅信溪上沿緣林閒宛轉
行跡分明相引芒屨峭緊怕樵塢猶封釣家難問欲買
村醪望中遙指布帘認呼童朝起漫掃愛閑階一片
都染鉛粉詠絮庭前煎茶竹裏弓樣恰留纖印瓜廬臥
穩只猿鶴遺踪更無人近不似長安馬蹄輕踐損

虞美人

月下感舊

當年對月嫌孤寂買酒邀賓客客來滿座不嫌多只要
能詩能飲與能歌而今清興依然在明月何嘗改良
宵惟共影兒親不是無人不是舊時人

男四履孫

吳昂

校字

著老書堂集

詞

詞

下

國



Small vertical text on the right edge of the page, likely a library or collection mark.

